

7. Kha Galdona

a) Laisiangtho bulphuhte	Eph. 6:10-18	Rev. 12:10-11	2Cor. 4:4
	Luk. 11:14-20	1Pet. 5:8-9	Eph. 1:17-23
	James 4:7	Col. 2:15	

b) Thupatna

Eite i pianthak ciangin khuamial gam pan Pasion Gam (khuavak gam). sungah i kantan hi. Khatvei lai in Satan nasem in (Jn. 8:42-47). tu in bel Pasion na i sep ding hita hi. Banghang hiam cihleh Satan ukna Pan aman eite hong honkhia hi (Col. 1:12-14). Ama na sem nawn lo i hihman in Satan pen lungdam lo hi. A taktak in, i puk nading leh ama ukna nuai a i om na lui ah i tunkik nading in ahieh theih bangbang na khempeuh tawh hanciam ding hi. Hih pen i kha galdona khenkhat hi a, tua lai ah Pasion vangliatna tawh Satan galkuannate i nan' ding kisam a, Zeisu in ei ading zokhin ahihman in Satan tungah gualzo a i din ding ahi hi.

A dang i kha galdona khat pen Zeisu nungzuite i hihna tawh Pasion kiang pan sawlna i ngah khit ahi minamte khempeuh nungzui i suahsak ding ahi hi. Leitung a mite pen Satan vangliatna nuai ah om uh a, (2Cor. 4:4). thuman thutak mu thei lo uh hi. Tua hi a, Pasion ading nungzuite i suahsak nading in mite gupkhatna ading Pasion vangliatna i tut ding kisam a, mite khuamial gam pan a gumkhia ding leh ama gam (Pasion Gam). sungah a koih dingin Pasion i phal ding kisam hi. Eite in Satan i dokik ding hilo hi. Zeisu in tua gualzawhna ngah khin a (Col 2:15). tua hoihna sungah i om lel ding leh tua gualzawhna i ngah ding kisam hi. Hih tawh Pasion in eite hong zang in tua gualzawhna mun ah midangte hong zosak ding hi.

c) Eite hong kitunpih nasa Gam pen banghiam?

Hihpen Pasion Gam (Vantung) hi a, tua pen nuntakna khempeuh tungah vangliatna ding Pasion ukna leh manna ahi hi. Zeisu in hih Gam pen ama lungdamna thu bangin gen a, (Mark 1:15; Matt. 4:23). Nungzuite in tua mah zuih ding nopsa uh hi (Acts 8:12). Eite tungah Pasion Gam pen hotkhatna ding, kikhelsak ding, damsak ding leh dawil gilote kiang pan hotkhat nading vangliatna tawh hong pai hi (Matt. 4:23; Matt. 9:35; Matt. 12:28; Mark 16:15-18). Hih vangliatna pen Khasiangtho hi a, tua gamsung a om eite tungah Pasion thumaanna, kilemna leh lungdamnate hong tun hi.

d) Khuamial Gam bang hiam?

Satan leh a vantungmite lehpanna tawh Pasion langpan in gam khat piangsak a, tua sungah mite khempeuh a kaihwah nading hanciam hi. Leitungah mawhna a tunsakna hangin gualzawhna ciang khat nei khin hi. Christiante i hihna tawh i galdona pen khuamial thahatna gilo (Eph. 6:12). leh i gal lianbel pen Satan hi.

e) Satan kua hiam?

Satan pen a om takpi hi a, (Luke 4:1-13). i lungsim geelna tawh ngaihsutna ciangbek hilo hi. Ama piancilna pen a hoih vangtungmi Lucifer a kicipa hi a, ama kiphatsakna hangin vantung pan kihawlkhia hi (Isa. 14:11-15; Eze. 28:12-17). Laisiangtho sungah Satan pen lam tampi in kipulak a tuate sungah hite kihel hi.

- i galpa, dawi gilo (1Pet. 5:8).
- hong ze et pa (1Thess. 3:5).
- zuau theite pa (Jn. 8:44).
- huihlak gam ukpa (Eph. 2:2).
- a gilopa (1Jn. 2:14).
- hong mawhsak pa (Rev. 12:10).
- mithat pa (Jn. 8:44).
- gulpi (Gen. 3:1).
- khuavak vantungmi (2Cor. 11:14).

Tu laitak in leitung kivai puakna pen ama letcipna sungah om hi (1Jn 5:19). Amah pen mawhna, natna, leh sihnate nakpi ahi hi. Aman dawite gam (Matt. 12:24-28). nei a, kha gilote (Luke 11:24-26). maw a khial vantungmite (Matt.26:41). tawh kilam hi a, tuate pen pil in, nasep hahkat, leh leitung leh vantung pianken ngeina khengval munte ah tenguh hi (Eph. 6:11-12). Dawimangpa aih keh Satan pen Pasion thawhkikim lo leh Pasion langkhat ah hih zawhna nei hilo cih phawk in. Amah pen na khempeuh a thei leh, vangliatna khempeuh a nei hilo hi.

f) Kua in leitung uk hiam?

Adam leh Eve-te Satan tungah a kizuak khit a kipan in, hih lei tung ukna ding pen Pasion in mihing ading a deihsak hita leh dawimangpa aa suak khin ta hi (1Jn. 5:19). Pasion in ama lim leh mel sun in mihing bawl a leitung khempeuh uk in a kep ding thuneihna pia hi (Gen. 1:26-28; Psa. 8:3-8). Pasion in a tup ukna vaihawmna pen a nuai-a bangin a kikhia diudeu in a seh ahi hi:

Pasion (Pa, Tapa leh Khasiangtho)
 Pasion (Pa, Tapa leh Khasiangtho)
 Thu-um mite
 Vantungmite/Satan leh a khial vantungmite
 Thu-um lote
 Ganhingte

Thu-umte i hih mahbangin tu in Khazih tawh hong kiphong to in amah tawh hong kitu khawmsak a, (Eph. 2:6). Pasion in Khazih khenuai ah na khempeuh koih khin hi (Eph. 1:20-22). Tua hi a, eite in thu-umte i hihna tawh ganhingte leh singkung lopate tunga thuneihna a nei bek hilo in, i galpa nasepnate khempeuh tungah Zeisu min tawh thu neihna i nei hi.

Zeisu in dawi gilo tungah gualzo in a Pa kiang a ciahkik khit teh a um mi khempeuh ading Khasiangtho hong piak nading in Pa kiang hong ngetsak hi. Zeisu neih vangliatna tawh a kibang nei thei hanga, ama min tawh tua thu neihna mah i nei hi. Satan in thu-umte i hihna tawh eite langkhat ah langpan ding hanciam dinga, ahizong in Khazih sungah gualzote tungah gal zote i hi hi (Romans 8:37). Eite a gualzo mun lam ah om ihih manin Satan in hong zawh nading thu om lo hi.

g) Galpa in hong koici do hiam?

Satan ngimna siate i theih loh ding hilo hi (2Cor. 2:11). Dawi gilo in a tawntung in Christiante hong suksiat nopna i theih ding ahi hi (1Peter 5:8). Amah pen a sep ziate ah khelпил in zia nei-a ngiansiam hi (Eph. 6:1; Gen. 3:1-6). Eite hong puksak nading in hun

khat peuh ah na khatpeuh tawh hanciam ding hi. A taktak in amah pen mi hoih hilo ahihman in, i gim i tawl hun leh i lungkiat hun dong ngak a, hong do ma in, i kidalna puk khin hi (Matt. 4:2-3). Kidona mun thupi bel pen i lungsim sung hi a, eite hong mawhsak (Zech. 3:1), hong lehpei (2Cor. 11:14), hong ze-et (1Thess. 3:5), hong khem (Jn. 8:44), ngaihsut hoih lote hong muam, hong lung-amsak, hong um khialsak, hong lausak, hong um losak, hong thadahsak, hong lungkim mahmah sak, hong lungneusak, hong lungkiasak in; i ci le sa lunggulhnate hong kinsak hi (Gal. 5:17). Satan in upna manlote, khamtheih guihtheihthe, milim biakna, daw i vai zatna aih keh daw i tawh kisai sepna khatpeuh ah kihelna tungtawn in mite nuntakna sungah a tun ding hanciam hi. Mite a gimsak nading in Satan ina khial vantungmite ahi daw i gilote zong zang hi (Luke 13:10-16).

h) Zeisu in Satan tungah Gualzo hi

- Pasion kammal tawh nung kiksakna tawh (Matt. 4:4).
- Natna tawh a netcip mite a hotkhiatna tawh (Acts 10:38).
- Khasiangtho vangliatna a liatna leh Pasion Gam a pulak khiatna tawh (Matt. 12:28).
- Singlam teh tungah Satan leh a nungzui khempeuh a zawh ngingeina tawh (Col. 2:15; Heb. 2:14).
- Satan tawntung mun ding khatvei leh a tawntung a a khensatna tawh (Matt. 25:41). Zeisu a gualzawhna a mite tawh zangkhawm a, ei nuntaknate ah Satan i do zawh nading thuneihna hong pia hi. Pasion Tapa hong kilatna a hang pen dawimangpa nasepte suksiat nading ahi hi (1Jn. 3:8).

i) Bangci bangin Satan zo thei ding i hiam?

1. Galdona ding i vaihawmna

- Ama gamtatnate theih ding (2Cor. 2:11).
 - Ama kalsuan nate nial ding (Eph. 4:27).
 - Ama galsimnate dal ding (James 4:7; 1 Peter 5:8-9).
- Zeisu genna ah ama min tawh a nungzuite in daw i gilote hawlkhia dinguh a, tua pen ama ading na asepnah uh khenkhat hi (Mark 16:16-17).

2. I Kidalna ding Galvan

Pasion tungah mawhna khat peuh pulak in mawhmaisakna i ngah lai teng Zeisu sisan in i mawhna khempeuh pan hong sawp siang hi (1Jn. 1:7-9). Pasion hong sik hong piakna hoih sungah i nuntak leh Satan in i nuntakna sungah siksian la thei lo hi (Eph. 4:27). Pasion sunga i dinna mun i thei ding kisam hi. Zeisu sisan in Satan tungah a gualzo in hong nungta theisak hi (Rev. 12:11; Col. 2:15).

I galpa in bangbang tawh hong do zong in mun la a, i din thei nading in Pasion galvan khempeuh i silh ding zong kisam hi (Eph. 6:10-18). Hih galvan silhna pen Topa Zeisu silhna tawh kibang hi (Rom. 13:14). Tua hi leh Khazih sungah khawl tawntung ding hihang. Zeisu in eite thuak dingte thei hi. Banghang hiam cihleh amah Pasion a hih zenzen hangin mihing hong suak in eite thuak bangmah ze etna hong thuak a, ahizong in khial lo mawh lo hi (Heb. 4:15). Amah ze et dingin Satan hong pai ciangin amah ding thei in gualzo hi. Hih pen Pasion ahihna tawh ama thu neihna hanga a hih hilo in, mihing ahihna tawh Khasiangtho vangliatna sungah ahiah hi. Zeisu nungzuite i hihman in ama hangin eite tua vangliatna hong ngah sak hi (Phil. 4:13; Acts 10:38). Pasion galvan pen a tuamtuam in kikhen hi. I

lungsim sungah hihte i kantan ding kizam a, Khazih sungah i nuntak dingzia a a nungta i hih ding kizam hi. Ei ading a a kingah thei gualzawhna ah nungta in i galpa in lawhcing tak a, hong do theih nading munkhat zong i piak loh ding ahi hi.

- **Thuman thutak kawnggak** gak in i nungta hiam? Thuman thutak sung leh Pasion hihna taktak sungah i nungta hiam? (Zeisu pen thuman thutak hi a, eite sungah hong teng in, thumaan taka nuntak nading hong thahatsak hi (Jn. 14:6).
- **Dikna awmdal** i bulh hiam? I hih ding a kilawm bangin Pasion mai ah diktak in i nungta hiam? (Zeisu pen eite dikna hi a, tua in diktak a, nuntakna ding eite tha hong pia hi (2Cor. 5:21).
- **I khete kilemna lungdamna thu ading kiging kholsa** in a om hiam? Minam khempeuh nungzui suaksak nading pai dinga Zeisu hong sawlna lian i tangtungsak hiam? (Zeisu pen kilemna/nopna kumpi hi a, eite in i puak pen ama lungdamna thu hi (Isa. 9:6).
- **Upna luum** i silh khin zo hiam? Upna nuntakna i nungta hiam? I galpa leh i ci le sa nuntakna tunga gualzawhna thei in Pasion muang in i nungta hiam?(Zeisu pen i upna hong piangsak leh a kicingsak pa hi. Heb. 12:2).
- **Hotkhiatna lukhu** i khu khin zo hiam? Eite piang thak khin in Pasion tate i hihna i thei hiam? (Zeisu pen galkap mangpa hi in i hotkhiatna piangsak pa hi. Heb. 2:10).
- **Kha namsau** i tawi nai hiam? Pasion kammal leh Khazih sungah eite kuate cih hong gen na i thei hiam? (Zeisu pen a nungta kammal hi a, eite kam/muuk ah a gamtang gal van ding in ama kammal eite hong pia khin zo hi. Heb. 4:12; Jn. 1:14).
- Hun khempeuh ah kha sungah thu i ngen uh hiam? Khasiangtho makaihna leh hanthotna sungah kipia in muibun taka, koici thunget ding cih i thei uh hiam? Zeisu i van tung Pasion kiang i zuaith theih nading hong pia a, tua hang in Zeisu min tawh ama tungah paipih thei hihang (Heb. 4:16; Jn. 14:13). Eite pen ki-uk zo in, halhtak khang lo tak a i om ding (1Pet. 5:8). leh Pasion tung a ki-ap nuntakna tawh i nuntak ding phawk in (James 4:7). I nuntakna ah Satan in siksana ngah nading hunhoih i piak loh ding zong ahi hi (Eph. 4:27).

3. I Galdona ding Galhiamte

Satan in mikhat peuh nuntakna lencipmaw, Zeisu nungzuite i hih na tawh i langkhat ah hong pai maw, a hih leh eite in i kidal nading bek hi lo, Satan langkhat ah i leh do theih nading thuneihna Pasion sungah nei hihang. Eite in hihte zang thei hihang.

- Zeisu min (Acts 16:18; Phil. 2:9-10).
- Pasion kammal (1Jn 2:14; Eph. 6:17).
- Khasiangtho vangliatna (Acts 10:38).

4. I Gualzawhna lungmuanna

"Pasion tungah lungdam na om taken! Amah in eite Topa Zeisu Christ tungtawn in hong gualzosak hi." (1Cor. 15:57)

- Zeisu Khazih in Pasion ading na khempeuh uk ahihman in a khenuai ah na khempeuh kikoih hi (Eph. 1:21-23). Thu-um mite i hihna tawh ama thuneihna eite hong pia hi (Matt. 10:1; Rom. 16:20; Luke 10:19; Matt. 28:18-20).
- Pasion ah a suakte bittak in kikem hi (1Jn. 5:18; Rom. 8:37-39).

- Eite sunga om pa (Zeisu Khazih). pen leitunga om pa (Satan). sang lianzaw hi (1Jn. 4:4).
- Zeisu sisan leh ama ading i teci panna sungah gualzawhna vangliatna om hi (Rev. 12:11).
- Pasion tung a kipia nuntakna tawh daw i gilo i dal ciangin eite kiang pan taikhia ding hi (James 4:7).

Zeisu in hong kamciam hi.

"Thutak kong gen in ah, kei hong um mi peuhmah in ka sepsa pen mah a sem ding hi. Pa kiangah pai ding ka hihman in hihte sangin na lianzaw nangawn ahah ding hi." (Jn. 14:12 ziv)

j) Koici bangin A gualzo Christian Nuntakna tunpih ding

1. Zeisu sunga i thuneihna leh i dinmun i theihna leh tua sunga i nuntakna tawh eite pen Satan khut sung pan hong kitankhia khin zo hi. Zeisu gualzawhna kicing sungah i ding hi (Rev. 12:11).
2. Ci le sa lunggullhna zui lo in, a tawntungin Khasiangtho tawh kalsuan in kha sungah kalsuan ding ahi hi (Eph. 5:18; Rom. 8:5; 1Jn 2:15-17).
3. Dawi vai nasepnate pan kihemkhia in. Hihte sungah na tualbual khit leh tuate pan nungkin inla, Pasion min a daisakna nasep khat ciatte hangin Pasion tungah mawhmaisakna ngen in.
4. Na mawhna pianken pen khailum in (Gal. 2:20; Col 2:11).
5. Phatna puan tualpi silh in (Isa. 61:3).
6. Christian dangte tawh kithuah ngitngat in (Heb. 10:25; 1 Jn. 1:7).
7. Mawhna dim leh daw i vai gamtatnate ah hong kai puk thei ding mite tawh kithuahna khat peuh paikhia in (2Thess. 3:6; 1Cor. 5:9; Eph. 5:11).
8. Satan leh nang tung a hong sep na hanciamna khempeuh nasia takin dal in ama thu zawhna nial in (James 4:7; Col. 3:8).
9. Pasion Galvan a kim in silh in (Eph. 6:10-18).

k) Dotnate leh kikupkhopnate

1. Banghangin lei tung a mite in thu maan thutak mulo uh hiam? (2Cor. 4:4)
2. Laisiangtho sungah 'Leitung' cih kammal in khiatna thum nei hi. Tuate bang hiam? (Psa. 24:1; Jn. 3:16; 1 Jn. 5:19)
3. Tua banga a kicing gualzawhna Khazih Zeisu in a ngah khin ahah leh, banghangin Christian tampite a gualle bangin nungta a hiam?
4. Pasion ading bangmah i sepkei leh, Satan, in hong awlmawh lo ding in na ngaihsun hiam?
5. Aksite tungtawn a kam etna, misite hopihna, laithai tawh aisanna, misi sate tawh kizopna, kha vai upna, mailam thu genkholhna, daw i aisanna cihte aih keileh, upkhialhnate khat peuh ah na kihelkha ngei hiam? Na kihelkhak ngei leh tua teng nusia in na kihel khakna hang in Pasion kiangah mawhmaisakna na nget ding kizam hi.
6. Na nuntakna vai khat peuhah Satan ading siksanna piakna khat peuh a om kha hiam?
7. Kha galvan khempeuh kimtak in na silh lamna kisittel hiam? Hih galvante pen Paul gelh hi a, Rome (Zawmah)te galvan hi a, nunglam dal nading a om lohna phawk in. Satan kiangpan i kileh kik ding kizam ngeilo hi. Amah ah dingin i phut

ding kisam hi.

8. Satan leh a ngimna hoihlote tungah a gualzo, a gualzo Pasion tapa bangin na nungta hiam? Na nuntak keileh, banghang nungta lo na hiam?

1. Tomlakna leh Zatpahna

1. Zeisu in Satan leh a nungzui khempeuh galvan laksak in mite khempeuh muhna ah singlamteh tung gualzo hi (Col. 2:15).
2. Zeisu in Satan kiangpan sihna vangliatna nangawn lakhia in, sihna kihtakna ah a nuntaknate uh saltang a om mite suaktasak hi (Heb. 2:14-15; Rev. 1:18).
3. Satan pen tulaitak ading leitung kumpi hi lai a, (Jn. 14:30). ahizong in Satan pen Khazih khenuai ah om ahih man in Khazih Zeisu sung a om eite in Satan tungah thuneihna nei hihang (Eph. 1:18-22). Eite Khazih sungah om hihang (Col. 3:3).
4. Satan hun pen tom hi. A tunna ding mun pen khensatsa hi (Matt. 24:41; Rev. 12:9-12).
5. Eite Zeisu nungzuite i hihmah bangin, i galpa leh i nuntakna vaite khempeuh ah Zeisu nuntak banga a gualzo a i nuntak ding kisam hi.